

Kangiqidjutikhat

Tingirmi Kumait

Hunat tingirmi kumait?

Taivaktaillu crab kumait unaluunniit "crabs," tingirmi kumait kumauyut takunnaqtut tingirmi ingirlutainiluunniit arnani angutinilu inungni. Tingirmi kumait naittut crab-tut ittutik aallangavlutiklu niaquqmi timimilu kumainnit. Tingirmi kumait naunaiktauvaktut paqittigumik "crab" kumakmik itqinikluunniit mitquqni tingirmi, takunailuangittut, ahini timimi mitquqaqtumi (qapluk, qimiriak, umik, uniq, kanaak, niaqurmilu).

Kummat niaqurmi niaqurmi kumauyut, tingirmi kumaungittut.

Huradja kumaniyuttut hiamiyuttullu tingirmi kumangnik.

Hunat aanniarutait tingirmi kumait?

Aanniarutit naunaitkutillu tingirmi kumangnik ukuat kukuktut ingirlutainni takunnaqtullu itqit (kumait itqit) ingutaaktulluunniit kumait.

Qanuqtut hiamitpakpa?

Tingirmi kumait himaitpaktut kuyakkaangata inirniinnilluaq pivaktullu. Tingirmi kumait takunnaqqata nutaqqani naunaitkutauniarungnaqhiyuq kuyaktauhimavlutik nuliarnimungayumikluunniit pinirluinirmut. Ilaani, tingirmi kumait hiamitpaktut inuup kahakkaangami hunavalungnik aannuraatut, iglikmut aallirgakhat, alarutilluunniit atuqtauhimayut kumaqaqtumit inungmit. Kumait uumahimmaalimaittut ahiniitkumik uunaqvyaktumit inuup timaanit.

Qanuq tingirmi kumait munariyauvakpat?

Kumaknut tuqudjutikhat hunavaluit piinnarialgit havautinut taaktimit titiraiittumik. Ukuat havautikhat qayangnaittut ihuaqhutiklu aturaangata piyakhat malikhugit puunginni titiraqmiiluunniit. Aturuiqlugit haniani iingnit. Atuffaaqlugit munaridjutikhat 9–10-ni ubluni uomayunik kumangnik paqihikpata.

Kumaiyautikhat aturaangata, ilangit itqit ataniaqtut tuyamut. Itqit piinginnarialgit kukingnut atuqluguluunniit akulaittunik illaiyautit.

Atilutit halumayunik nalikkaanik aannuraaniklu kumaiyaqtauguvit.

Tuquittiyaami kumangnik itqiniklu aannuraanit, allarutit, iglikmut aalligakhallu - uaklugit panighirlugillu uakhinmut panighiivingmullu kumaqaqtup inuup atuqhimayait hivituniani malrukni pingahunut ubluni kumaiyaktautinnagu. Atuqlugu uunaqpiaktuq uakhivikmi uunaqtukl panighiivikmi. Hunavaluit ualimaittut paniupayumik halummaintnarialgit tutquqlugilluunniit angmaumangittumut palaastik puungmut malrukni havainiqni.

Tamaita nuliaqatigiiktut iluani atulihaktumi tatqirhiutimi tuhaqtitauyukhauyut kumanikniarungnaqhiyumik kumaiyaktukhauvlutiklu. Inuit kumanikhimayut tingirmi kunangnik naunaiktauyukhauyut aallamik nulliqinikkut aanniarutiqariakhainut.

Kumaiyagakhaugumik kumangnik itqiniklu qablungni qimiriamiluunniit, aallat nanuutit piinnarialgit munarhiliqvikmit. Atuqpagait Vaseline atuqtauuyukhaungittuq ihuirutivakmat iyngnut.

Tingirmi kumainik kumanilimaidjutikhaqaqqa?

Tingirmi kumait hiamitpaktut kahakkaigumik kumaqaqtup aannuraanginnik qipiinit aalligakhainikluunniit. Hiamitirnaittumik tingirmi kumainut:

- Kuyaguiqlutik inungnik tingirmi kumaqaqtunik. Kumaqaqtut inuit kuyaktukhaungittut kuyaqtatimingnik utaqqiyukhat piqatitik inmklu kumaiyaktaulutik naunaikhilutiklu kumairiakhamingnut.
- Aturuiqlugit aallat aannuraangit, qipiit aalligakhat, allarutit kumaqaqtumit inungmit.
- Uakhivikmi uaqtattarlutik halumayuniklu aannuraaklutik atauhiqmi havainiqmi.
- Aannuraanut uarhivikmi panikhivikmilu uakpaklugit panirhiklugillu aannuraat qipiit aallirgakhallu atuqlugu uunaqpiaktuq imak uunaqpiaktuq panikhiiidjutikhaq. Aannuraat ualimaittut panikhimayumik halummaktiinnarialgit IMAALUUNNIIT puuklugit angmaumahimmaittumik palaastik puumi tutquqlugit malrukni havainiqni.